

*Kishapu*  
Supplement No. 3531<sup>st</sup> October, 2008**SUBSIDIARY LEGISLATION**to the Gazette of the United Republic of Tanzania No. 44 Vol. 89 dated 31<sup>st</sup> October, 2008

Printed by the Government Printer, Dar es salaam by Order of Government

TANGAZO LA SERIKALI NA. 244 la tarehe 31/10/2008

**SHERIA YA FEDHA YA SERIKALI ZA MITAA, 2002**

(SURA YA 290)

**SHERIA NDOGO**

(Zimetungwa chini ya vifungu vya 7(k) na 16)

SHERIA NDOGO ZA MASOKO YA MIFUGO ZA HALMASHAURI YA WILAYA  
YA KISHAPU, 2008

- |   |                    |
|---|--------------------|
| 1. Sheria Ndogo hizi zitaitwa sheria ndogo (masoko ya Mifugo) za Halmashauri ya Wilaya ya Kishapu 2008.   | Jina la Sheria     |
| 2. Sheria ndogo hizi zitatumika katika eneo lote lililo chini ya Mamlaka ya Halmashauri ya Wilaya ya Kishapu na zitaanza kutumika mara baada ya kutangazwa katika Gazeti la Serikali.   | Mahali pa kutumika |
| 3. Katika Sheria ndogo hizi isipokuwa itakapoelekezwa vinginevyo; “Halmashauri” maana yake ni Halmashauri ya Wilaya ya Kishapu; “Mifugo” maana yake ni Ng’ombe, mbuzi, kondoo na punda. | Ufafanuzi          |
| “Soko” maana yake ni soko la mifugo lililoanzishwa na sheria ndogo hizi na lililoonyeshwa kwenye jedwali la kwanza la sheria ndogo hizi.  |                    |

*116/3/14*

Sheria Ndogo za Masoko ya Mifugo za Halmashauri ya Wilaya ya Kishapu  
Tangazo la Serikali Na. 244 (linaendelea)

“Mkuu wa soko” maana yake ni Afisa wa Halmashauri aliyeeteuliwa na Mkurugenzi kusimamia shughuli za masoko.

Masoko      4. Maeneo yaliyoteuliwa kwenye jedwali la kwanza la sheria ndogo hizi yanatangazwa kuwa masoko ya mifugo chini ya sheria ndogo hizi.

Mifugo  
kuuzwa  
Sokoni tu      5.—(1) Ni marufuku kwa mtu yeyote kununua, kuuza au kubadilisha mifugo katika eneo lingine lolote isipokuwa katika soko linalotambuliwa chini ya sheria ndogo hizi.

(2) Bila kuathiri masharti ya aya ya (1) ya sheria ndogo hizi ununuza, uuzaji na ubadilishaji mifugo nje ya soko unaweza kufanyika kwa ruhusa maalum toka Halmashauri na kama ununuza, uuzaji na ubadilishaji huo ni kwa ajili ya matumizi ya nyumbani tu.

Uangalizi      6. Kila soko litakuwa chini ya uangalizi wa Mkuu wa soko.

Mkuu wa  
Soko  
kufuata  
Sheria      7. Itakuwa ni jukumu la mkuu wa soko:-  
(a) kusimamia uendeshaji wa shughuli za soko;  
(b) kusimamia na kufuatilia masuala ya usafi wa soko;  
(c) kuhakikisha ulinzi, usalama na utulivu katika soko;  
vinakuwepo;  
(d) kuzuia uuzaji wa mifugo iliyotambuliwa na wataalam kuwa na ugonjwa na kutofaa kwa matumizi ya binadamu;

Kosa      8. Mtu yeyote atakayeshindwa kutekeleza maelekezo ya mkuu wa soko atakuwa ametenda kosa.

Saa za  
Soko      9.—(1) Kila soko litakuwa wazi kwa wananchi kuanzia saa 1.30 asubuhi hadi sa 12.00 jioni katika siku zilizoonyeshwa kwenye safu ya pili na safu ya tatu ya jedwali la Pili la sheria ndogo hizi.

(2) Ni marufuku kwa mitu yeyote kuuza, kununua au kubadilishana mifugo sokoni isipokuwa katika saa na siku zilizotajwa katika sheria ndogo hizi.

Utaratibu  
wa uuzaji      10. Uuzaji wa mifugo sokoni utafanywa na dalali aliyeeteuliwa na Halmashauri na kila mfugo utauzwa kwa mnada wa wazi na malipo yatafanywa wakati wa ununuza.

Kumbu-  
kumbu      11. Dalali ataweka kumbukumbu za mauzo ya mifugo katika kitabu

## *Sheria Ndogo za Masoko ya Mifugo za Halmashauri ya Wilaya ya Kishapu*

*Tangazo la Serikali Na. 244 (linaendelea)*

atakachokuvanacho kwa madhumuni hayo na kumbukumbu hizo zitaonyesha jina la mnunuzi Bei na aina ya mifugo iliyouzwa.

12. Mkuu wa soko ataandaa risiti, nakala tatu kwa kila mauzo ya mifugo, ambazo zitaonyesha jina la soko, jina na anuani ya muuzaji, jina la mnunuzi, aina ya Mfugo uliouzwa, bei na ushuru wa soko uliotozwa.

Risiti za  
Mauzo

13. Ushuru ulioonyeshwa kwenye safu ya pili ya jedwali la tatu la sheria hizi, utalipwa na kila mtu atakayenunua mifugo katika soko.

Mnunuzi  
kulipa  
ushuru  
wa soko

14. Mtu yejote atakayeshindwa kutekeleza au atakayevunja sheria ndogo hizi au atakayeshindwa kufuata maagizo ya Mkuu wa soko atakuwa ametenda kosa na akipatikana na hatia atatozwa faini isiyozidi shilingi elfu hamsini au kifungo kisichozidi miezi sita au vyote viwili yaani faini na kifungo.

Adhabu

### NYONGEZA

### JEDWALI LA KWANZA

*(Sheria ndogo kifungu cha 4)*

#### SAFU YA KWANZA

*Jina la soko*

Nyasamba

Mhunze

Seke/Ididi

#### SAFU YA PILI

*Mahali lilipo*

Kata ya Bubiki

Kata ya Kishapu

Kata ya Seke Bugoro

### JEDWALI LA PILI

*(Sheria ndogo kifungu cha 10)*

#### SAFU YA KWANZA

*Jina la soko*

Mhunze

Nyasamba

Seke/Ididi

#### SAFU YA TATU

*Siku ya soko*

Alhamisi

Ijumaa

Jumatatu

*Majuma ya mwezi*

Kila juma

Kila juma

Kila juma

Sheria Ndogo za Masoko ya Mifugo za Halmashauri ya Wilaya ya Kishapu

Tangazo la Serikali Na. 244 (linaendelea)

JEDWALI LA TATU

(Sheria ndogo kifungu cha 14)

SAFU YA KWANZA

SAFU YA PILI

Jina la Mfugo

Ushuru ulipwao na mnunuzi

1. Ng'ombe	1,000/-
2. Punda	1,000/-
3. Mbuzi	300/-
4. Kondoo	300/-

Mhuri wa Halmashauri ya Wilaya ya Kishapu umebandikwa katika sheria ndogo hizi kwa Azimio la kikao cha Halmashauri kilichoitishwa na kufanyika tarehe 31/08/2007 na ilibandikwa mbele ya:

BONIPHACE NYANGINDU BUTONDO,  
Mwenyekiti wa Halmashauri (W)



ELLY JESSE MLAKI,  
Mkurugenzi Mtendaji (W)

NAKUBALI,

Dodoma,  
24 Aprili, 2008

MIZENGO K. P. PINDA (Mb.),  
Waziri Mkuu

*Sheria Ndogo za Kilimo cha Mazao yanayostahamili Ukame na Hifadhi ya chakula za Halmashauri ya Wilaya ya Kishapu*

TANGAZO LA SERIKALI NA. 245 la tarehe 31/10/2008

**SHERIA YA SERIKALI ZA MITAA, (MAMLAKA ZA WILAYA)**

(SURA YA 287)

**SHERIA NDOGO**

*(Zimetungwa chini ya Kifungu cha 153*

SHERIA NDOGO ZA KILIMO CHA MAZAO YANAYOSTAHIMILI UKAME NA HIFADHI YA CHAKULA ZA HALMASHAURI YA WILAYA YA KISHAPU ZA MWAKA , 2008

1. Sheria Ndogo hizi zitajulikana kama sheria ndogo za kilimo cha mazao yanayostahimili ukame na hifadhi ya chakula cha kutosha kwa kila kaya za Halmashauri ya Wilaya ya Kishapu za mwaka 2008. Jina na Sheria
2. Sheria ndogo hizi zitaanza kutumika baada ya kutangazwa katika gazeti la Serikali na zitatumika katika eneo la Halmashauri. Matumizi
3. Katika Sheria Ndogo hizi isipokuwa pale itakapoelezwa vinginevyo: “Afisa Mwidhinishwa” maana yake ni Afisa kilimo pamoja na Afisa yeyote wa Halmashauri atakayeteuliwa kusimamia utekelezaji wa sheria ndogo hizi. Tafsiri ya maneno

“Mkazi” maana yake ni mtu yeyote mkaaji wa kawaida katika eneo la Wilaya ya Kishapu lakini haitamhusu;

- (a) Mwenye umri chini ya miaka 18;
- (b) Asiyehiweza kutokana na ulemavu, kuugua, uzee;
- (c) Mwanafunzi aliyeko masomoni muda wote.

“Mazao” maana yake ni mimea inayopandwa mashambani kwa ajili ya kuzalisha chakula au malighafi kwa ajili ya biashara.

“Mazao yanayostahimili ukame” maana yake ni mazao yanayolimwa na kustawi vizuri katika sehemu zenye mvua haba au kame.

*Sheria Ndogo za Kilimo cha Mazo yanayostahamili Ukame na Hifadhi ya chakula za Halmashauri ya Wilaya ya Kishapu*

*Tangazo la Serikali Na. 245 (linaendelea)*

“Ghala” maana yake ni chombo, chumba au kifaa chochote cha asili au sehemu maalum iliyoandalishi kwa ajili ya kuhifadhi chakula.

4. Kila mkazi wa Wilaya ya Kishapu atahakikisha kaya yake kila mwaka kama itakavyo elekezwa na Afisa Kilimo, inalima na kuendeleza;

- i. Ekari mbili za mazao yanayohimili ukame.
- ii. Ekari moja ya muhogo.
- iii. Ekari mbili za mazao mengine ya chakula na biashara.

5. Hakuna mkazi ye yote katika Wilaya ya Kishapu anayetakiwa kulima ndani au kando kando ya mto au kwenye maeneo yaliyozuiwa kulima na Halmashauri.

6. Mkazi ye yote atakayepanda zao lenye magonjwa na akagundua zao hilo limeathirika na ugonjwa, atalazimika kutoa taarifa mara moja Halmashauri au kwa Afisa Kilimo aliye karibu naye.

7. Afisa Kilimo ye yote au Afisa ye yote Mwidhiniwa anaweza kuingia wakati wowote kwenye eneo au shamba kwa lengo la kufanya ukaguzi kuhusu utekelezaji wa sheria ndogo hizi.

8. Litakuwa ni jukumu la kila mkazi hususani mkuu wa kaya kuhakikisha anahifadhi chakula cha kutosha kitakachomuwezesha ye yeye na familia yake kumtosha kwa angalau miaka miwili au zaidi.

9. —(1) Litakuwa ni jukumu la kila kaya kuhakikisha kuwa lina ghala la kuhifadhi chakula na ghala hilo linakuwa katika hali ya usalama na kwamba hakuna uwezekano wowote utakaopeleke uharibifu wa chakula hicho.

(2) Pia kaya italazimika kudhibiti wadudu kama vile dumuzi, panya wasiharibu hifadhi hiyo.

10. Afisa Kilimo au Afisa ye yote aliyepewa kibali kwa maandishi na Halmashauri atakuwa na haki kisheria kuingia na kukagua ghala la chakula katika kaya kweli lengo la kuona kama taratibu za hifadhi ya chakula zinazingatiwa na kaya husika.

*Sheria Ndogo za Kilimo cha Mazo yanayostahamili Ukame na Hifadhi ya chakula za Halmashauri ya Wilaya ya Kishapu*

*Tangazo la Serikali Na. 245 (linaendelea)*

11. Litakuwa ni kosa kwa mtu ye yeyote kumzuia Afisa Kilimo ye yeyote anayetekeleza kazi kwa mujibu wa kifungu cha 10 hapo juu.

12. Ni marufuku kwa mtu au mkazi ye yeyote katika kaya kuuza chakula cha akiba bila sababu zozote za msingi.

13. Ni wajibu wa Halmashauri kusimamia shughuli za hifadhi ya chakula na kuhakikisha wanazuia uuzaaji ovyo wa chakula na matumizi mabovu kama vile utengenezaji wa pombe za kienyeji .

14. Mtu ye yeyote atakuwa ametenda kosa kama;

- (a) Atauza chakula chote;
- (b) Atashindwa kuhifadhi chakula kwa mujibu wa sheria ndogo hizi;
- (c) Atatumia chakula kutengeneza pombe ya kienyeji ilihali hana hifadhi inayotosheleza familia kwa mujibu wa sheria hizi.

15. Mtu ye yeyote atakayekiuka sheria ndogo hizi atafikishwa mahakamaani na endapo atapatikana na hatia, atahukumiwa kifungo kisichozidi miezi kumi na miwili au kulipa faini isiyozidi laki tatu (Tsh. 300,000/=) au adhabu zote mbili yaani kifungo na faini.

Makosa  
na adhabu

Mhuri wa Halmashauri ya Wilaya ya Kishapu umebandikwa katika sheria ndogo hizi kwa Azimio la kikao cha Halmashauri kilichoitishwa na kufanyika tarehe 31/08/2007 na ilibandikwa mbele ya:

BONIPHACE NYANGINDU BUTONDO,  
*Mwenyekiti wa Halmashauri (W)*

ELLY JESSE MLAKI,  
*Mkurugenzi Mtendaji (W)*

NAKUBALI,

Dodoma,

MIZENGO K. P. PINDA (Mb.),  
*Waziri Mkuu*

TANGAZO LA SERIKALI NA. 246 la tarehe 31/10/2008

SHERIA YA FEDHA YA SERIKALI ZA MITAA,

(SURA YA 290)

## SHERIA NDOGO

*(Zimetungwa chini ya vifungu vya 7 (g) na 16*

### SHERIA NDOGO ZA USHURU WA MAZAO ZA HALMASHAURI YA WILAYA YA KISHAPU, 2008

Jina                    1. Sheria Ndogo hizi zitaitwa sheria ndogo za Halmashauri ya Wilaya ya Kishapu (ushuru wa mazao) 2008 na zitaanza kutumika baada ya kutangazwa katika gazeti la Serikali na zitatumika katika eneo lote lililoko chini ya Mamlaka ya Halmashauri ya Wilaya ya Kishapu.

Tafsiri              2. Katika Sheria Ndogo hizi isipokuwa kama itaelezwa vinginevyo:

“Afisa Muidhiniwa” maana yake ni Afisa ye yeyote wa Halmashauri hii ni pamoa na Afisa Mtendaji wa Kijiji, Kata, Maafisa kilimo wa wilaya na Maafisa Ushirika wa Wilaya.

“Halmashauri” Maana yake ni Halmashauri ya Wilaya ya Kishapu.

“Mnunuzi” maana yake ni mtu binafsi, kampuni, shirika, chama kikuu cha ushirika au wakala wanaomunua au kusimamia ununuzi wa mazao ya kilimo kwa nia ya uuzajji wa mazao hayo.

“Muuzaji” maana yake ni mtu yeyote, shirika, taasisi, kampuni, Umoja au kikundi cha watu wanaouza mazao.

“Mazao” maana yake ni mazao ya kilimo yaliyotajwa kwenye nyongeza ya kwanza ya sheria Ndogo hizi.

Ushuru              3. Kutakuwa na ushuru utakaoitwa ushuru wa mazao utakaotozwa na Halmashauri toka kwa kila mnunuzi kwa kila zao lililoonyeshwa kwenye safu ya kwanza ya sheria Ndogo hizi kwa kiwango kisichozidi asilimia

tano (5%) ya bei ya kununulia au asilimia yoyote ile kadri itavyopangwa au kurekebishwa na Serikali. Mnunuzi atalazimika kulipia ushuru wa pamba kila mwisho wa wiki kwa kilo alizonunua kama zilivyoonyeshwa katika taarifa ya manunuzi ya wiki na akishalipa atapewa risiti. Ushuru wa kijiji utalipwa na Halmashauri ya Wilaya kutokana na asilimia 5% iliyotajwa hapo juu.

4. Ni marufuku kwa mnunuzi yejote, shirika, mtu binafsi, chombo kisicho cha umma kununua mazao kwa shughuli za kibiashara kwenye eneo la Halmashauri ya Wilaya ya Kishapu bila kupata kibali toka Halmashauri karma ilivyoonyeshwa kwenye nyongeza ya pili ya sheria ndogo hizi. Mnunuzi yejote anayedaiwa ushuru na Hamashauri hatapewa kibali mpaka kwanza awe amelipa deni au ushuru anaodaiwa.

Kibali

#### NYONGEZA YA KWANZA

*Sheria ndogo chini ya kifungu cha 3*

#### USHURU

#### ORODHA YA MAZAO

1. Pamba
2. Mahindi
3. Mpunga
4. Karanga
5. Mtama
6. Uwele
7. Dengu
8. Alizeti
9. Ufuta
10. Mkonge

*Sheria Ndogo za Ushuru wa Mazao za Halmashauri ya Wilaya ya Kishapu*  
*Tangazo la Serikali Na. 246 (linaendelea)*

NYONGEZA YA PILI

MAOMBI YA KIBALI CHA KUNUNUA MAZAO KATIKA MASOKO YA HALMASHAURI YA WILAYA YA KISHAPU.

SEHEMU A

(Ijazwe na Mwombaji)

1. Jina la mnunuzi /mwenye Kampuni/Ushirika n.k .....
2. Jina la Kampuni /shirika/Mnunuzi .....
3. Anuani yake S.L.P ..... Simu ..... Mji.....
4. Mahali ofisi yake ilipo: Mji ..... Mtaa .....
5. Mahali anapoishi/mji ..... Mtaa .....
6. Namba ya Leseni ya Ununuzi wa mazao .....
7. Namba ya kuandikishwa Shirika / Kampuni .....
8. Mazao anayotaka kununua Kgs .....
9. Kiasi anachotaka kununua .....
10. Masoko/vijiji ataponunuwa .....
11. Idadi ya Maghala atakayotumia kusombea namba zake .....
  
12. Dhamana alizoweka  
i) .....  
ii) .....  
iii) .....

NATHIBITISHA: Kuwa maelezo yote niliyotoa hapo juu ni sahihi na kweli.

1. Jina la mwombaji: .....
2. Sahihi ya mwombaji: .....
3. Mhuri: .....
4. Tarehe: .....

Mhuri wa Halmashauri ya Wilaya ya Kishapu umebandikwa katika sheria ndogo hizi kwa Azimio la kikao cha Halmashauri kilichoitishwa na kufanya tarehe 31/08/2007 na ilibandikwa mbele ya:

Sheria Ndogo za (Ushuru wa Madini) za Halmashauri ya Wilaya ya Kishapu  
Tangazo la Serikali Na. 246 (linaendelea)

BONIPHACE NYANGINDU BUTONDO,  
*Mwenyekiti wa Halmashauri (W)*



ELLY JESSE MLAKI,  
*Mkurugenzi Mtendaji (W)*

NAKUBALI,

Dodoma,  
24 Aprili, 2008

MIZENGO K. P. PINDA (Mb.),  
*Waziri Mkuu*

TANGAZO LA SERIKALI NA. 247 la tarehe 31/10/2008

SHERIA YA FEDHA YA SERIKALI ZA MITAA,

(SURA YA 290)

---

## SHERIA NDOGO

---

(Zimetuhungwa chini ya vifungu vya 7 (1) (k) na 16

SHERIA NDOGO ZA (USHURU WA MADINI) ZA HALMASHAURI YA  
WILAYA YA KISHAPU, 2008

1. Sheria Ndogo hizi zitaitwa Sheria Ndogo za (Ushuru wa madini) za Halmashauri ya Wilaya ya Kishapu 2008 na zitaanza kutumika baada ya kuchapishwa katika Gazeti la Serikali.
2. Sheria ndogo hizi zitatumika katika eneo lote la Halmashauri ya Wilaya ya Kishapu.
3. Katika Sheria Ndogo hizi isipokuwa itakapoelezwa vinginevyo:-

Sheria Ndogo za (Ushuru wa Madini) za Halmashauri ya Wilaya ya Kishapu

Tangazo la Serikali Na. 247 (linaendelea)

“Afisa Muidhiniwa” maana yake ni Mhandisi wa Ujenzi, Afisa Ardhi na Afisa yejote atakayekuwa anahusika na masuala ya madini.

“Halmashauri” maana yake ni Halmashauri ya Wilaya ya Kishapu.

“Madini” maana yake ni kokoto, mchanga, mawe na kifusi.

“Kibali” maana yake ni idhini au ruhusa inayotolewa na halmashauri kuruhusu uchimbaji wa madini.

“Mkurugenzi” maana yake ni Mkurugenzi Mtendaji wa Wilaya ikiwa ni pamoa na Afisa yejote atakayeteuliwa kutekeleza majukumu ya Mkurugenzi.

4.-(1) Mtu yejote anayetaka kuchimba madini katika eneo la Halmashauri atatakiwa kuomba na kupata kibali cha kuchimba madini kutoka Halmashauri.

(2) Kibali kitakachotolewa chini ya sheria ndogo hizi kitaeleza aina ya madini yanayochimbwa na eneo litakalochimbwa madini hayo.

(3) Kibali kinachotolewa chini ya sheria ndogo hizi kitalipiwa ada kama itakavyopangwa na Halmashauri.

5. Mtu yejote atakayesafirisha madini kutoka eneo yalikochimbwa kwenda maeneo mengine atalipa ushuru wa madini kwa kila tripu kwa viwango vilivyoonyeshwa katika jedwali la sheria ndogo hizi, isipokuwa kwa mtu atakayechimba na kusafirisha madini hayo kwa ajili ya ujenzi wa nyumba ya kuishi ndani ya eneo la Halmashauri.

6.-(1) Afisa Mwidhiniwa anaweza wakati wa saa za kazi kukagua eneo lolote ili kuona kama kuna uchimbaji wa madini na mtu yejote atakayemzuia huyo atakuwa ametenda kosa.

(2) Afisa Mwidhiniwa au Afisa yejote wa Halmashauri anaweza kuzuia gari lolote ambalo limebeba madini ambayo hayajalipiwa ushuru chini ya sheria ndogo hizi.

7.-(1) Mkurugenzi anaweza kuamuru mtu alipe faini au isiyozidi ile iliyowekwa katika sheria ndogo hizi pale atakaporidhika kuwa mtu huyo ametenda kosa chini ya sheria ndogo hizi.

(2) Mkurugenzi atawea kuamuru ulipaji wa faini hiyo pale mtu huyo

*Sheria Ndogo za (Ushuru wa Madini) za Halmashauri ya Wilaya ya Kishapu*

*Tangazo la Serikali Na. 247 (linaendelea)*

atakapokiri kwa maandishi kutenda kosa hilo na Mkurugenzi atampa risiti mtu huyo inayolingana na faini hiyo.

8. Mtu yejote atakayevunja au kushindwa kutekeleza masharti ya sheria ndigo hizi atakuwa ametenda kosa na akipatikana na hatia atatozwa faini isiyozidi shilingi laki moja au kifungo kisichozidi miezi kumi na mbili au vyote kwa pamoja.

<i>Aina ya Madini</i>	<i>Tani</i>	<i>Shs.</i>
1. Mchanga/kokoto/mawe/kifusi	1-3½	1,000/=
2. Mchanga/kokoto/mawe/kifusi	3½ -7	1,500/=
3. Mchanga/kokoto/mawe/kifusi	Zaidi ya 7	2,000/=

Mhuri wa Halmashauri ya Wilaya ya Kishapu umebandikwa katika sheria ndogo hizi kwa Azimio la kikao cha Halmashauri kilichoitishwa na kufanyika tarehe 31/08/2007 na ilibandikwa mbele ya:

BONIPHACE NYANGINDU BUTONDO,  
*Mwenyekiti wa Halmashauri (W)*



ELLY JESSE MLAKI,  
*Mkurugenzi Mtendaji (W)*

NAKUBALI,

Dodoma,  
24 Aprili, 2008

MIZENGO K. P. PINDA (Mb.),  
*Waziri Mkuu*

TANGAZO LA SERIKALI NA. 248 la tarehe 31/10/2008

SHERIA YA SERIKALI ZA MITAA, (MAMLAKA ZA WILAYA)

(SURA YA 287)

## **SHERIA NDOGO**

*(Zimetungwa chini ya Kifungu cha 153*

SHERIA NDOGO ZA UTEKELEZAJI WA KAZI ZA MAENDELEO ZA HALMAshaURI YA WILAYA YA KISHAPU, 2008

1. Sheria Ndogo hizi zitiwe Sheria Ndogo za utekelezaji wa kazi za maendeleo za Halmashauri ya wilaya ya Kishapu 2008 na zitatumika katika eneo lote lililo chini ya Mamlaka ya Halmashauri ya Wilaya ya Kishapu.
2. Sheria ndogo hizi zitaanza kutumika mara tu zitakapochapishwa kwenye Gazeti la Serikali.
3. Katika Sheria ndogo hizi:-

“Halmashauri” maana yake ni Halmashauri ya wilaya ya Kishapu;

“Kazi ya maendeleo” maana yake ni kazi zozote zitakazotangazwa na Halmashauri kuwa ni kazi za maendeleo, chini ya Sheria Ndogo hizi;

“Mkazi” maana yake ni mtu yejote ambaye anayeishi kwenye eneo la Halmashauri kwa muda usiopungua miezi mitatu;

“Kijiji” maana yake ni kijiji kilichoandikishwa chini ya sheria ya serikali za Mitaa (Mamlaka za Wilaya) 2002, au eneo lolote linalotambuliwa na Halmashauri kuwa ni kijiji;

4. Halmashauri yaweza kutangaza kazi yoyote katika kijiji chochote kuwa ni kazi ya kujenga Taifa.

*Sheria Ndogo za Utekelezaji wa Kazi za Maendeleo za Halmashauri ya Wilaya ya Kishapu*

*Tangazo la Serikali Na. 248 (linaendelea)*

5. Kila mkazi wa kijiji ambamo kazi ya kujenga Taifa imetangazwa atalazimika kushiriki katika kazi hiyo katika siku na kiwango kama itakavyoelekeza na Halmashauri.

6. Mwenyekiti wa Kijiji atakuwa na jukumu la kuwaandaa wananchi walio katika kijiji chake kutekeleza kazi za kujenga Taifa.

7. Mtu aliye na kazi ya kudumu ya kuajiriwa hatalazimika kuhudhuria kazi za kujenga Taifa ye ye mwenyewe, bali atatoa fedha kama mchango wake kwenye kazi hizo kama itakavyoamriwa na Halmashauri.

8. Watu wafuatao hawatahusika katika utekelezaji wa Sheria Ndogo hizi:-

- (i) Walemvu, Wagonjwa na wasiojiweza;
- (ii) Wenye umri chini ya miaka 18 au wenye zaidi ya miaka 60;

9. Halmashauri itakuwa na uwezo wa kumsaidia mtu ye yote au kikundi chochote cha watu kushiriki katika kazi yoyote ya kujenga Taifa chini ya sheria ndogo hizi kama itaona inafaa.

10. Mtu ye yote atakayeshindwa kutekeleza sheria ndogo hizi atakuwa ametenda kosa na atatozwa faini isiyozidi Sh. 10,000/- au kifungo kisichozidi miezi mitatu au vyote faini na kifungo.

Mhuri wa Halmashauri ya Wilaya ya Kishapu umebandikwa katika sheria ndogo hizi kwa Azimio la kikao cha Halmashauri kilichoitishwa na kufanyika tarehe 31/08/2007 na ilibandikwa mbele ya:

BONIPHACE NYANGINDU BUTONDO,  
*Mwenyekiti wa Halmashauri (W)*

ELLY JESSE MLAKI,  
*Mkurugenzi Mtendaji (W)*

NAKUBALI,

Dodoma,  
24 Aprili, 2008

MIZENGO K. P. PINDA (Mb.),  
*Waziri Mkuu*

*Sheria Ndogo za Halmashauri ya Wilaya ya Kishapu Ada ya shughuli za Kiutamaduni*

---

TANGAZO LA SERIKALI NA. 249 la tarehe 31/10/2008

**SHERIA YA FEDHA YA SERIKALI ZA MITAA, 2002**

(SURA YA 290)

**SHERIA NDOGO**

*(Zimetungwa chini ya Vifungu vya 7 (k) na 16.*

**SHERIA NDOGO ZA HALMASHAURI YA WILAYA YA KISHAPU ADA YA SHUGHULI ZA KIUTAMADUNI 2008.**

- Jina                    1. Sheria Ndogo hizi zitaitwa Sheria Ndogo za Halmashauri ya wilaya ya Kishapu (Ada ya shughuli za kiutamaduni) ya 2008.
- Maelezo  
Mafupi                2. Katika Sheria hizi isipokuwa itakapoeleza vinginevyo:-  
“Halmashauri” ina maana ya Halmashauri ya wilaya ya Kishapu;  
“Utamaduni” ina maana ya ngoma za asili, Disco, Maigizo, Mazingaombwe, Sinema, Michezo, na Tiba za kienyeji.  
“Mkurugenzi” ina maana ya Mkurugenzi Mtendaji wa Halmashauri ya Wilaya ya Kishapu pamoja na Afisa ye yote atakayeteuliwa kutekeleza majukumu ya Mkurugenzi Mtendaji.
- Vibali na  
Eneo                 3.- (1) Hakuna shughuli zozote za kiutamaduni zitakazofanyika au kuendeshwa katika eneo lolote lililo chini ya Mamlaka ya Halmashauri bila kibali kitakachotolewa na Mkurugenzi Mtendaji wa Wilaya au Afisa aliyeruhusiwa chini ya sheria ndogo hizi.  
(2) Maombi yote kwa ajili ya kupata kibali cha kuendesha shughuli za kiutamaduni kitaombwa Halmashauri kwa maandishi.  
(3) Maombi yote kwa ajili ya kupata kibali cha kuendesha shughuli za tiba ya kienyeji sharti yaambatane na barua toka kwenye serikali ya

*Sheria Ndogo za Halmashauri ya Wilaya ya Kishapu Ada ya shughuli za Kiutamaduni*

*Tangazo la Serikali Na. 249 (linaendelea)*

kijiji, pia barua toka kwa Mganga Mkuu wa Wilaya ambaye atathibitisha uwezo wake katika Tiba za Asili.

(4) Maombi yote kwa ajili ya kupiga ngoma za Tambiko, Harusi na Tiba ya kienyeji sharti yapitie kwenye serikali ya kijiji anachoishi mwombaji.

4. Vikundi vyote vinavyoendesha shughuli za sanaa na muziki ndani ya Halmashauri vitasajiliwa vyote kwenye Halmashauri na kupewa hati ya usajili itakayotolewa na Halmashauri. Vikundi hivyo vya utamaduni vitatuma maombi yatakayokuwa kwenye fomu, itakayotolewa na Afisa Utamaduni wa Halmashauri.

Vikundi

5. Kwa mujibu wa sheria hizi ada kama zilivyoonyeshwa kwenye nyongeza "A" kwenye sheria hizi, zitalipwa kwa Halmashauri kwa kila aina ya mambo ya kiutamaduni yatakayocenezwa katika mamlaka ya Halmashauri.

Ada ya vibali

6. Halmashauri yaweza kukipunguzia au kukiondolea kabisa Ada kikundi chochote ikiwa kuna ulazima kufanya hivyo.

7. Vibali vitakayotolewa havitaazimishwa, kuuzwa au kukabidhiwa kwa mtu au vikundi vingine ila kwa muhusika au kikundi kile kilichokusudiwa. Kila mwenye kibali atalazimika kuonyesha kibali wakati wowote atakapotakiwa kufanya hivyo na Afisa wa Halmashauri aliyeruhusiwa.

Kibali

8. Bila kujali kifungu Na. 4 cha sheria hizi vikundi vyote vya utamaduni vinavyoendeshwa na Serikali au Halmashauri yenyewe havitatozw Ada yoyote katika kuendesha shughuli hizo.

Vikundi  
vya  
Halmashauri  
Kutolipa  
Ada

9. Mtu yejote atakayevunja au atakayeshindwa kufuata au kwenda kinyume cha mojawapo ya yifungu hivyo vya sheria ndogo hizi, atatozwa faini isiyozidi shilingi elfu kumi na tano (15,000/=) au kifungo cha muda wa miezi sita au vyote viwili yaani faini pamoja na kifungo.

Adhabu

*Sheria Ndogo za Halmashauri ya Wilaya ya Kishapu Ada ya shughuli za Kiutamaduni*

*Tangazo la Serikali Na. 249 (linaendelea)*

**NYONGEZA "A"**

- (a) Ada ya kusajili kikundi cha sanaa na muziki Shs. 5,000 kwa mwaka.
- (b) Kibali cha disco kwa siku moja
  - (i) Kikundi cha ndani ya Wilaya Shs. 1,000/=
  - (ii) Kikundi cha nje ya Wilaya, lakini ndani ya Mkoa Shs. 2500/=
  - (iii) Kikundi toka nje ya Mkoa asilimia 10 (10% ya mapato lakini si chini ya Shs. 3,000/=
- (c) Kibali cha kupiga dansi siku moja:-
  - (i) Kikundi cha ndani ya Wilaya Shs. 2,000/=
  - (ii) Kikundi toka nje ya Wilaya lakini ndani ya Mkoa Shs. 3,000/=
  - (iii) Kikundi toka nje ya Mkoa asilimia 10% ya mapato lakini si chini ya Shs. 5,000/=
- (d) Kibali cha kuonyesha sanaa za maonyesho  
(Sinema, video, Maigizo, Sarakasi, Ngumi, Ngoma n.k kunyanyua vyuma)
  - (i) Sanaa za maonyesho ngoma, maigizo, sarakasi, ngumi n.k kwa siku moja Shs. 1,000/=
  - (ii) Cinema au video kibali Shs. 5,000/=
  - (iii) Ada ya video au Cinema Shs. 3,000/= kwa mwaka
  - (iv) kikundi cha ndani ya Wilaya Shs. 1,000/=
  - (v) Kikundi toka nje ya Wilaya lakini ndani ya mkoa Shs. 2,000/=
  - (vi) Kikundi toka nje ya mkoa asilimia 10% ya mapato lakini si chini Shs. 10,000/=
- (e) Kibali cha kuuza dawa za asili Shs. 5,000/= kwa mwaka.
- (f) Kibali cha kuendesha tiba ya kienyeji ndani ya eneo la Halmashauri ya Wilaya.
  - (i) Toka nje ya Wilaya Shs. 10,000/= kwa mwaka
  - (ii) Waganga maarufu ndani ya Wilaya Shs. 10,000/= kwa mwaka
  - (iii) Waganga wadogo ndani ya Wilaya Shs. 5,000/= kwa mwaka
- (g) Ada kwa ajili ya kuzuru sehemu za makumbusho au za kihistoria kwa mmoja.

*Sheria Ndogo za Halmashauri ya Wilaya ya Kishapu Ada ya shughuli za Kiutamaduni*

*Tangazo la Serikali Na. 249 (linaendelea)*

<i>Mhusika</i>	<i>Raia Sh.</i>	<i>Asiye Raia Sh.</i>
Mtu mzima	500/=	U\$ 2
Mwanafunzi	Bure	U\$ 1

- (h) Ada kwa ajili ya kumbi za starehe au maeneo ya mji kwa ajili ya shughuli za maonyesho. starehe (Social Clubs and Halls) viwanja vya michazo (stadium) ambazo hutumika kwa kutoza viingilio kwa kila mwaka Shs. 10,000/=
- (i) Kibali cha kunasa nyimbo za asili, upigaji picha vitu na vikundi vyenye kujishughulisha na fani za kitamaduni kwa mara moja:-

<i>Raia Shs.</i>	<i>Asiye Raia Shs.</i>
1,000/=	U\$ 3

- (j) Kibali cha kuendesha fete kwa siku moja Sh. 5,000/=
- (k) Kibali cha kuchezesa michezo ya mpira wa miguu kwa kutoza viingilio kwenye viwanja vya michezo (stadium) kokote kule ndani ya eneo la Halmashauri ya Wilaya itakuwa asilimia 10% ya jumla ya mapato kabla ya kuondoa gharama zozote zile.
- (l) Kibali cha kuendesha shughuli zozote za mikutano ya kidini nje ya maeneo ya makanisa au misikiti bure (lakin lazima kibali kitolewe).
- (m) Kibali cha kuendesha shughuli zozote za kiutamaduni ambazo hazikutajwa hapo juu ni Sh. 1,000/=.

**Mhuri wa Halmashauri ya Wilaya ya Kishapu umebandikwa katika sheria ndogo hizi kwa Azimio la kikao cha Halmashauri kilichoitishwa na kufanyika tarehe 31/08/2007 na ilibandikwa mbele ya:**

**BONIPHACE NYANGINDU BUTONDO,  
Mwenyekiti wa Halmashauri (W)**

*Sheria Ndogo za Halmashauri ya Wilaya ya Kishapu Ada ya shughuli za  
Kiutamaduni*

*Tangazo la Serikali Na. 249 (linaendelea)*

ELLY JESSE MLAIK  
*Mkurugenzi Mtendaji (W)*



NAKUBALI,

Dodoma,  
24 Aprili, 2008

MIZENGO K. P. PINDA (MB.)  
*Waziri Mku*

TANGAZO LA SERIKALI NA. 250 la tarehe 31/10/2008

**SHERIA YA SERIKALI ZA MITAA (MAMLAKA ZA WILAYA)**

(SURA YA 287)

**SHERIA NDOGO**

*(Zimetungwa chini ya kifungu cha 153*

**SHERIA NDOGO ZA HALMASHAURI YA WILAYA YA KISHAPU  
(KUHIFADHI VYANZO VYA MAJI) ZA MWAKA 2008**

1. Sheria Ndogo hizi ziitwe Sheria Ndogo za Halmashauri ya Wilaya ya Kishapu (kuhifadhi vyanzo vya Maji) 2008 na zitaanza kutumika kuanzia tarehe zitakapotangazwa kwenye gazeti la serikali.
2. Sheria ndogo hizi zitatumika katika eneo lote lililo chini ya Mamlaka ya Halmashauri ya Wilaya ya Kishapu.
3. Katika Sheria ndogo hizi, ila isipokuwa pale maana inahitaji winginévo:-

“Afisa aliyeidhinishwa” inamaanisha Afisa ye yeyote, Mtumishi wa Halmashauri aliyeteuliwa kwa maandishi kutekeleza Sheria Ndogo hizi;

“Halmashauri” maana yake ni Halmashauri ya Wilaya ya Babati;

“Kijiji” maana yake ni kijiji kilichoandikishwa kwa mujibu wa Sheria au ambacho hakijaandikishwa ambapo huduma ya maji zinatolewa.

“Maji Machafu” maana yake ni maji yoyote yasiyotiwa dawa ya kuua wadudu yakiwemo maji yatokanayo na vyoo, viwanda, au yaliyotumika kwa namna yoyote ile.

“Mkurugenzi” maana yake ni Mkurugenzi Mtendaji wa Halmashauri ya Wilaya ya Kishapu.

“Mhandisi wa Maji” Mhandisi wa Maji wa Wilaya na ni pamoja na mtumishi yeote wa Halmashauri aliyeleuliwa na Mkurugenzi kutekeleza majukumu ya Mhandisi wa maji chini ya sheria ndogo hizi.

“Mtendaji wa kijiji” maana yake ni Afisa Mtendaji wa kijiji au Afisa yeote wa kijiji aliyeleuliwa kutekeleza sheria ndogo hii.

“Chanzo cha maji” maana yake ni mahali ambapo maji kwa matumizi ya binadamu na wanyama hupatikana hii ni pamoja na kisima kilichoendelezwa au kuanzishwa bwawa, mto, kisima kirefu au kifupi.

“Serikali ya Kijiji” maana yake ni Serikali ya kijiji kilichosajiliwa / kilichoandikishwa au ambacho hakijasajiliwa kwa mujibu wa sheria.

“Sumu” maana yake ni kama ilivyotafsiriwa kwenye sheria ya mazingira.

“Vyanzo vya maji” maana yake ni sehemu yyoyote ambayo hutolea maji kwa ajili ya matumizi ya binaadamu na mifugo.

“Kikundi cha Watumiaji Maji” maana yake ni kikundi cha watu au kaya kwenye kijiji ambacho uanachama wake uko wazi na huundwa kwa hiari.

“Rejesta Maalum” maana yake ni kitabu kinachotunza orodha ya vikundi vya watumiaji maji vilivoundwa chini ya sheria ndogo hizi.

Haki ya  
kutumia  
na  
kumilki  
chanzo  
cha maji

4.- (1) Kikundi cha watumiaji maji chenyec hati ya kutumia maji iliyoambatishwa kwenye sheria Ndogo hizi na kilichoandikishwa kwenye Rejesta maalum kitakuwa mmiliki na mtumiaji halali wa maji toka kwenye chanzo chake na kitamiliiki eneo la nusu kipenyo cha kati ya mita sita (6) hadi kumi (10) kuanzia kwenye kisima na wanachama watawajibika kukilinda na kukiweka katika hali ya usafî na kuchukua hatua zote za kukilinda na kuzuia aina yoyote ya ghasia kwenye chanzo hicho.

(2) Kikundi cha watumiaji maji kitapaswa kuingia mkataba wa makubaliano mionganoni mwa wanachama wake unaowapa jukumu la kulinda chanzo, kukiendesha katika hali endelevu, kukiweka katika hali ya usafî, kutoa huduma ya upendeleo kwa wasiojiweza na masikini waliokaribu na chanzo chao cha maji.

Ufungaji  
wa  
pampu

5.- (1) Kikundi chochote kinachotaka kuanzisha chanzo cha maji, kitalazimika kwanza kutimiza masharti yakiwemo ya kulipia ada ya usajili,

kuwa na mihuri mitatu wa Mwenyekiti, Katibu wa kikundi na mhuri wa kikundi, kufungua akaunti na iwe na fedha isiyopungua Tsh. 60,000/= kuwa na mkataba wa makubaliano kusajiliwa.

(2) Litakuwa ni kosa kwa kikundi chochote kushindwa kutimiza sheria ndogo ya 5 (1) hapo juu.

6.- (1) Wanakikundi watakuwa na wajibu wa kulinda chanzo chao ili miundombinu iliyowekwa kwenye chanzo isiweze kuibiwa au kuharibiwa.

Kazi na wajibu

(2) Endapo kifaa au pampu au kifaa chochote kitaibiwa na hivyo kusababisha chanzo kushindwa kutoa huduma, itakuwa ni wajibu wa kila mwanachama wa kikundi kuchangia kwa lengo la kurejesha haraka huduma hiyo. Uchangiaji lazima uwe ndani ya miezi mitatu tangu chanzo kisimame kufanya kazi.

(3) Mwanachama yejote atakayeshindwa kuchangia urejeshaji wa huduma tangu chanzo kisimame kutoa huduma, Mkurugenzi atakuwa na awezo chini ya Sheria Ndogo hizi, kumwomba dalali wa Mahakama kwa kutumia fomu ilioambatanishwa kwenye sheria ndogo hizi, kumwandikia mwanachama huyo kulipa kiasi alichopangiwa. Utaratibu huu hautatumika endapo miezi mitatu haitakuwa imekwisha tangu huduma isimame.

(4) Chanzo chochote kilichoteklezwa zaidi ya miezi mitatu kitafutwa kwenye Rejesta Maalum.

7. Halmashauri ya kijiji itakuwa na wajibu wa kushauri, kuhamisha, kungu mkono juhudzi za kikundi cha watumiaji maji, kulinda na kusimamia kikundi vyote vilivyomo ndani yua kijiji hicho na ni pamoa na kuidhinisha mkataba wa makubaliano utakaoingiwa na wanakikundi. Endapo Halmashauri ya kijiji itakataa kuidhinisha mkataba wa makubalino wa kikundi italazimika kutoa sababu za kufanya hivyo.

Kazi na wajibu wa Halma-shauri ya kijiji

8.- (1) Litakuwa ni kosa kwa mtu yejote kuondoa kifaa chochote mka kwenye chanzo cha maji cha kikundi.

Umliliki wa chanzo cha maji

(2) Mtu yejote hatakuwa na haki ya kudai kuwa mmiliki binafsi wa chanzo cha maji kinachomilikiwa na kikundi.

9. Litakuwa ni kosa chini ya sheria ndogo hizi kwa mtu yejote kuleta fujo au ghasia kwenye chanzo cha maji au kumbughuzi mwanachama yejote wa kikundi cha watumiaji maji atumiapo chanzo cha maji ya kikundi.

Si ruhusa kuleta ghasia kwenye chanzo cha maji

Ujenzi  
wa choo

10.—(1) Itakuwa ni marufuku kujenga choo au shimo la taka ndani ya mita 30 toka kwenye chanzo cha maji, au kujenga choo juu ya chanzo cha maji (down stream)

(2) Yeyote atakayekiuka sheria ndogo ya 10 (1) hapo juu atakuwa ametenda kosa chini ya sheria ndogo.

(3) Litakuwa ni kosa kwa kikundi kujenga chanzo cha maji ndani ya umbali wa mita 30 kutoka kwenye choo au jalala lilokwisha jengwa.

(4) Litakuwa ni kosa kwa mtu yeyote kuiba au kuharibu pampu au kifaa chochote kwenye chanzo cha maji.

Makosa

11.—(1) Litakuwa ni kosa chini ya sheria ndogo kufua nguo, kuosha vyombo au nafaka, kuoga kukojoa kunywesha mifugo kwenye chanzo cha maji kwa matumizi ya binadamu.

(2) Litakuwa ni kosa chini ya sheria ndogo hizi kwa mtu yeyote kiwandani au tasisi au kikundi chochote kutupa vitu vichafu, kumwaga maji machafu, sumu, au kuruhusu kitu chochote kichafu kutiririka au kutapakaa kwenye chanzo cha maji.

Usimamizi  
wa sheria  
ndogo  
hizi

12. Afisa mwidhiniwa, ikiwa ni pamoja na Afisa Mtendaji wa Kata na kijiji watakuwa ndio wasimamizi wakuu wa utekelezaji wa sheria ndogo hizi. Watawajibika pia kupeleka na kusimamia mashauri mahakamani yatokanayo na utekelezaji wa sheria ndogo hizi kwa niaba ya vikundi vya watumiaji maji.

Adhabu

13. Mtu yeyote atakayekiuka mojawapo ya sheria ndogo hizi atakuwa ametenda kosa na akipatikana na kosa mahakamani atatozwa faini ya Tsh. 300,000/= au kifungo kisichozi miezi kumi na mbili au adhabu zote yaani faini na kifungo.

“KIAMBATISHO”

JAMHURI YA MUUNGANO WA TANZANIA

HALMASHAURI YA WILAYA YA KISHAPU

Halmashauri ya Wilaya ya Kishapu

Hati Na.....

HATI YA HAKI YA KUTUMIA NA KUMILIKI CHANZO CHA MAJI

Hii ni kuthibitisha kwamba, leo tarehe .....  
wanakikundi wa kikundi cha .....  
kilichopo katika kijiji cha .....  
kata ya ..... Wilaya ya Kishapu Mkoa wa Shinyanga,  
wamekabidhi mamlaka ya kutumia na kumiliki chanzo chao cha maji ambacho ni  
..... chenyeye usajili  
Namba ..... chanzo kilichotengenezwa chini ya usimamizi  
wa ..... kwa lengo la kutoa maji kwa matumizi ya  
binadamu majumbani na kimehakikiwa na kupasishwa na Mhandisi wa maji wa wilaya  
Chanzo kinakabidhiwa kwa kikundi baada ya kutimiza masharti yote na kinafanya  
kazi.

Hati hii imepokelewa na;

.....  
Mwenyekiti wa kikundi

Katibu wa kikundi

Hati hii imetolewa na mimi

Mkurugenzi Mtendaji wa Wilaya (Jina kaili) ..... sahihi .....

(\* Futa isiyohusika)

**HALMASHAURI YA WILAYA YA KISHAPU**

**FOMU YA HATI YA KUKAMATA NA KUUZA MALI**

Kwa dalali wa Mahakama Ndugu .....  
Hii ni kukuamuru ukakamate mali ya Ndugu .....  
mwanachama wa kikundi cha watumiaji maji wa .....  
anayeishi kijiji cha ..... kata ya .....  
isipokuwa kama mwanachama huyo atalipa kiasi cha shilingi .....  
ikiwa ni mchango wake aliopaswa kuulipa ili kurejesha huduma ya maji. Mali hiyo  
iwasilishwe Mahakamani na endapo atashindwa kuikomboa ndani ya siku saba itauzwa  
kwa mnada wa hadhara baada ya kufanya matangazo ambapo fedha zitakazopatikana  
zitalipia mchango aliopaswa kulipa ikiwemo na gharama za dalali na za mnada.  
Unatakiwa kurejesha Hati hii kabla ya tarehe ..... ukionyesha  
namna ulivyotekeliza au sababu zilizosababisha ushindwe kutekeleza.

Amri hii imetolewa na mimi .....  
Leo tarehe .....

Saini na Mhuri wa Mahakama

Mhuri wa Halmashauri ya Wilaya ya Kishapu umebandikwa katika  
sheria ndogo hizi kwa Azimio la kikao cha Halmashauri kilichoitishwa na  
kufanyika tarehe 31/08/2007 na ilibandikwa mbele ya:

BONIPHACE NYANGINDU BUTONDO,  
*Mwenyekiti wa Halmashauri (W)*



ELLY JESSE MLAKI,  
*Mkurugenzi Mtendaji (W)*

NAKUBALI,

Dodoma,  
24 Aprili, 2008

MIZENGO K. P. PINDA (Mb.),  
*Waziri Mkuu*